

經律異相卷第三十七

將七

梁沙門僧旻 寶唱等奉

勅撰

優婆塞部第二十七

沙門億耳入海見地獄一

優婆塞持戒鬼代取華二

優婆塞爲王廚吏被逼殺害指現師子三

優婆塞被魔試四

清信士嫁女與事鬼家五

清信士始精進未懈後生慚愧鬼不能害

六

清信士臨亡夫妻相愛生爲婦鼻中蟲七

薄拘羅持一戒得五不死報八

持戒誦經續明供養鬼不能害九

執持求還佛戒口中諸鬼出打其身十

不信罪福夢鬼取之令其受戒後壽百年

十一

家有六人割口施僧同受富樂十二

有人路遇見三變身行精進十三

有人命終十日還生述所經見十四

沙門億耳入海見地獄第一

阿濕摩伽阿槃地國有聚落王名薩薄中有大富居士財寶豐盈唯無兒息從諸神祇求不能得有子時到婦覺有娠此女利根有四不共智一知男愛二知男不愛三知妊身時四知所從得以語居士居士歡喜月滿生男耳有金鐶是兒端正見者歡喜集婆羅門相聚落問言是中阿誰有好德可與寄言示我利害諸人示沙門億耳是諸商客即往詣之接爲主人是諸商客見大威力如是思惟若作薩薄將多人入海必安隱歸諸人言沙門之言是兒實有福德威力爲作二字宿世出家即名曰沙門耳利根一者治身母二者除垢母三者乳母四者吉母五者戲笑母是兒

福力而疾長大便教書數算印善知諸物價相貴賤是王聚落商客所集時四方人來詣聚落問言是中阿誰有好德可與寄言示我利害諸人示沙門億耳是諸商客即往詣之接爲主人是諸商客見大威力如是思惟若作薩薄將多人入海必安隱歸諸人言沙門億耳汝何以不入大海答言我入大海作何等是中多諸恐怖百千人去時一得還是諸商客激勵之言何等人仰他活命沙門億耳信受欲去到父母所辭欲入海時父母說諸

怖事欲令變悔以制留之時不隨父母語父
母語貴人佐我留億耳時諸大官長者居士
皆助留之終不隨從父母知其意正則聽令
去於是乘象震鈴遍告令聚落言沙門億耳
欲入大海我作薩薄誰欲共去是人福德五
百商客皆悉樂從莊船下水日斷一繩至第
七日得伊勒風此言隨好風斷第七繩船疾勝箭
徑到寶渚語諸賈客言取寶滿船莫令大重
得伊勒風是時船去疾勝箭還閻浮提向
薩薄王聚落有二道沙門億耳語諸商人欲

從何道諸人咸言陸道去好夜住空澤語諸
商人我曾聞賊來劫諸賈客若前殺薩薄則
諸賈客無所成辦若不殺薩薄則以錢物力
若自身力若有他力必能得賊我當餘處宿
去時當喚我諸人言爾億耳驅驢往別處宿
是諸賈客夜半發去人人相覺竟不喚億耳
後夜天大風雨億耳覺喚既無應者即時馳
逐道多沙土風雨流漫仰驢嗅跡而前億耳
飢極前行見有一城念想得食立於城門隨
念失聲唱言食食時無數百千餓鬼來出皆

言何等食阿誰與億耳言無食我行飢極念
想得食因出此言我無食也諸餓鬼言此是
餓鬼城我百千萬歲今日乃聞唱食聲我等
不布施慳惜多故墮餓鬼中汝欲那去億耳
言欲至薩薄王聚落鬼言從是道去於是前
行復見一城隨念佛其事如前前行不久
復見一樹名波羅夜於下坐搖樹落葉細者
自食麤者與驢如是日暮即有牀出男女顏
貌端正著天寶冠共相娛樂作是思惟我不
應爾看他私事時夜過晝來即時牀滅有狗

來噉是男子肉盡骨在億耳念言是人先作
何行今得此報夜善晝惡我待問之至夜更
有好牀男女娛樂即往問之男言汝識阿濕
摩阿伽槃地中薩薄王聚落某甲屠兒不有
長老迦旃延常出入我家我常供給飲食衣
藥彼常語我言莫作惡行後得大苦我時答
言先世已來此以爲業今若不作那得自活
旃延復言汝作此惡爲晝多夜多我言晝多
即語我言汝夜受五戒可獲微善我即從受
今得此報前行不久復見二樹名波羅住下

止宿食葉如前男女畫來相娛暮則牀女皆滅百足蟲出噉是男子肉盡骨在億耳問言

將七

汝作何行今獲此報男言阿濕摩伽阿槃地

國中薩薄王聚落其甲男子姪犯他婦有長

老迦旃延出入我家彼教我言莫作惡行後

四

得苦報我答言不能自抑當可如何復語我

言汝於此事何時偏多我言夜時多迦旃延

即語我言受盡五戒可獲微善我用其言故獲斯報復見樹林池水清淨億耳於中洗浴飲驢是池邊有堂衆寶莊嚴億耳仰視即作

是念我飢渴欲死當何所在即便上堂說佛經偈

飢爲第一病 行爲第一苦 如是知法實涅槃第一樂

上堂見女人坐象牙牀牀腳繫二餓鬼是女識億耳因問訊言沙門億耳道路不極不渴飢耶億耳答言貴女乞我食女言相與但莫與是二餓鬼耳女即與水洗手與食是女欲令億耳知此因緣故小出堂外時二餓鬼伸手言乞我一口乞我半口我即腹中飢如火

燒億耳好施各與一口變成膿血多咽還吐
出皆臭穢女言我語汝莫與何以與之億耳
言姊妹我不知故與時更有一女來語貴女
與我食女言食汝常食作是語已即有三錡
持七鑊火湯沸是女脫衣入鑊中皮肉爛盡唯有
骨髓冷風來吹出鑊還活著衣取其爛肉取
已而去更有女來言貴人與我食女言食汝
常食作是語竟女變成羖羊敗草億耳語女
是何等事女言汝識阿濕摩伽阿槃地國中
薩薄王聚落不億耳言識是一鬼繫我頭邊

牀脚者是我夫某甲居士繫我腳邊牀脚者
是我兒有長老迦旃延出入我舍受我供養
衣服湯藥是二人賈我言我覓時辛苦而汝
持與他空自疲勞以是慳貪不喜布施墮餓
鬼中惡口業故與食變爲膿血億耳言是女
何以自噉其肉女言是我兒婦與物令舉或
自噉或與人噉我問覓答言我不噉亦不與
他若我自噉及與他者當自噉我肉故自噉
肉第二女是我婢我使春磨或自噉或與他
若問時言我不自噉不與他若自噉與他者

我後世當作羊噉草以是因緣今作羖羊敬
草億耳言汝作何行女言我有少罪來生是
中當不久往生四天王天汝能少爲我往薩
薄王聚落中爲語我女云見汝父母兄兄婦
及婢唯汝母獨受福餘者受罪汝母因我語
汝莫作惡事後世多受苦報汝若不信是汝
母言某處有藏大有錢財取爲我作福供養
衆僧及迦旃延殘餘可以自活問億耳言汝
欲去耶答言欲去女言汝眼閉眼須臾至薩
薄王聚落是諸賈客先到諸人問言見沙門

億耳不答言海中失之舉邑皆哭如喪父母
億耳聞之若今見我必復擾動不須復歸漸
漸到女舍共相問訊以母言語女女言咄男
子汝癡狂人我父母布施作福死必生天何
以在餓鬼中億耳即語女言汝母言某處有
藏大有錢物使汝取供養女聞開藏大得錢
持七
財得以生信如其母勑請迦旃延隨從說法
即於座上得諸法清淨無垢法眼得無所畏
禮迦旃延言大德我歸依三寶作優婆塞欲
於善勝法中出家受具足迦旃延言父母聽

汝出家不答言未聽迦旃延言我法父母不

聽不得出家受具足即便歸家禮拜父母父母先由愁苦故並失明聞億耳從大海中安隱還歸悲喜淚出眼便還明過五六日白父母言聽我出家父母言我本至心求願得汝

汝入大海得死消息愁憂故眼盲汝今來還我大歡喜眼得開視汝今便爲更生汝受我語則爲供養我我壽命能過幾時若能畢我等壽不出家者我死不恨億耳答言諾

出十
誦律

優婆塞持戒鬼代取華第二

昔有優婆塞僑居舍衛國婦形端正一國同聞朋友欲觀終不肯示人以白王王思欲見不知何由一臣啓言夫婦並持五戒供養道士手自斟酌王可詐作道士持鉢詣門必得

見之即隨臣言權變形服竊到其家婦見道士頭面作禮王觀察已還語臣等此婦實好入我心中不知何從得之衆臣白言此雖僑士應觀於王憍慢不來可以爲罪去舍衛城千有餘里大池水中生五色蓮華間有三難

蝮蛇鬼神惡獸罪應死者使往取華輒沒於彼王便呼問言卿何等人再拜答曰大王民也王言何以不來答曰愚癡不及耳自知有罪王言罰卿詣池取華七日當還若違期至當重治卿受教辭退還具告婦婦語夫言君今有罪由我美色君識佛明教三界無怙唯戒可恃上道之日心念三尊口誦十善莫忘須臾若君不還吾當出家以戒自樂不經二男給夫資糧辯決進路行至半道有敗人鬼問曰何人答言是佛弟子鬼言諸犯罪者遣

付吾等詐言取華賢者實不犯罪爲惡人所讒答鬼言人命難得唯在大神耳鬼言卿是佛弟子又復無罪我不相害也餘有二難恐卿不免當如之何鬼復言曰相代取華以濟卿身使我長夜得福無量卿穩住此間鬼於是去須臾便還五色好華百重而至以與賢者賢者重不能舉鬼便取華并扶賢者屈伸臂頃已到宮門辯別而去賢者詣門自通王怪還速具問本末如實自陳王大驚慙曰鬼無人義害於衆生今濟善人我乃無義不別

善惡不如鬼魅即自責過稽首歸命願爲弟子奉受五戒廣行六度國致太平賢者夫婦并加精進得不退轉

出譬喻經第五卷

優婆塞爲王廚吏被逼殺害而指現師子第

三

佛涅槃後百年國王奉事天神大祠祀用牛羊豬犬雞等各百頭皆使廚士殺之時廚士言我受佛戒不得殺生廚監大恚白王治之王言違教者死廚士對曰我是佛弟子受持五戒寧自殺身不違佛教而當殺生若當從

王教犯殺者死入地獄罪竟乃出常當短命持戒死者即生天上天上福樂所願自然縱令當死轉此人身當受天形我以是故死不殺耳王言與汝七日期當以象踏殺汝若不死者汝語有實七日已後王看是優婆塞身如佛身驅五百象往蹈殺之優婆塞如佛法則舉五指化爲五山一山間有一師子出象見師子惶怖伏地如佛在時王時信佛便廢祠祀即從此士受佛五戒吏民內外皆亦受

法遂爲國師

出譬喻經第六卷

優婆塞被魔試第四

有一優婆塞與衆賈客遠出治生遇天寒雪夜行失伴住一石室時有山神變爲女像來試之曰白雪覆山地鳥獸皆隱藏我獨無所恃唯願見慰傷優婆塞兩手掩耳曰無羞弊

九 惡人說此不淨語水漂火焚之不欲見聞汝

出大智論

有婦心不欲何況作邪姪欲樂情淺薄大苦可畏深山神聞之兩手擎捧送至伴中

出大智論

清信士嫁女與事鬼家第五

第十
七卷

優婆塞嫁女與世間人臨遣女時父母欲奪女戒女言云何奪戒父母言法嫁女與世俗人如黃金擲牛屎中復用戒爲女言如人遠行大空澤中無有人民應益裝糧食世家事鬼恐鬼儻得我便應益持戒令志堅固黃金在牛屎中洗自可用豈便與牛屎同耶父母感其言以佛像與之女致嚴器中朝暮向器作禮壻問婦答是佛能令頭不白顏色常好

婿同供養後同生天上不更三塗

出十卷譬喻經第五

清信士始精進末懈後生慚愧鬼不能害第
六

昔有清信士始受戒時精進少雙後年衰老
達遠賢衆獨處山岨志更凌遲荒于田園忘
佛發法更成凡夫其山中有梵志道士渴欲
求飲因家事遑無與之者梵志有怨遂爾恨
去梵志能起死人并使鬼神即召殺鬼勑之
曰彼人辱我爾往殺之山中有羅漢知之往
至田家田家見沙門欽然稽首爲設一食沙
門曰汝今日夕早然燈勤三自歸誦戒守口

攝意慈念衆生可長安隱沙門去後主人如
教通曉念佛誦戒不休殺鬼至曉伺其微尤
欲以殺之覩彼慈心無緣殺焉鬼神之法人
令已殺已便欲殺但彼有不可殺之德法當
還殺使已殺者鬼乃恚欲害梵志羅漢以威
神蔽之令鬼不見田家悟道梵志得活鬼遂
不獲殺生之罪田家一時受三自歸念佛不

懈全一門之命

出墮落優婆塞經又出
十卷譬喻經第五卷

清信士臨亡夫妻相愛生爲婦鼻中蟲第七
有清信士持戒精進不懈有一沙門已棄重

擔生死永盡逮得神通與共親友時清信士
卒得困疾醫藥不治婦大悲苦謂其夫言共
爲夫婦卿獨受苦以何方便分病令輕設卿
無常我何所依兒子孤單復何恃怙夫聞益
懷愛戀大命將至應時即死魂神即還在婦
鼻中化作一蟲婦大啼哭不能自止時道人
往與婦相見故欲諫喻令損愁憂婦見道人
來益用悲慟奈何和尚夫婿已死蟲從鼻涕
忽然墮地婦即慚愧欲以腳蹈道人告曰止
止莫殺是卿夫婿化作此蟲婦曰道人我夫

奉經持戒精進難及何緣壽終轉形作此道
人答曰過起愛戀今生爲蟲道人爲蟲說經
卿精進奉經持戒福應生天見諸佛但坐恩
愛戀慕之想墮此蟲中即可慙愧蟲聞意解
自剋責俄而命終即得生天出居士物故
爲婦鼻蟲經

薄拘羅持一戒得五不死報第八

昔有一人唯有一兒名薄拘羅年始七歲其
婦命終更取後妻憎前婦子覩中蒸麪兒問
母索母抱放覩中以盆合頭欲令兒死兒於
覩中食麪不死後復抱置熱鐵鑊上於鑊食

麁不以爲天後詣河邊浣衣擲深水中爲魚所吞經于七日父請衆僧爲設大會買得一魚車載歸家欲破魚腹兒言徐徐莫傷兒頭此兒先受不殺一戒今得五種不死出譬喻經

持戒誦經續明供養鬼不能害第九

昔有兄弟五人父教持戒大兒獨不肯持戒齋五枚錢至相師請求相師言年可百歲當大富貴又言定惡復言不好剋後十三日卿當死亡其人大怖言非是世間常師所能療治唯有佛預知未然近在耆闐崛山中可往

問之於是即往問佛佛言卿有宿命對怨家欲來取卿卿若欲得免者當持五戒乃可得脫卿歸益辦脂燭焚之過十三日即受歸戒然燈續明終日竟夜諷誦經偈言南無佛歸命佛慎莫休息過十三日便自得脫其夜即有二鬼往共殺之一鬼住百步外使一鬼往殺見燈火光明但聞呼南無佛歸命佛聲不敢前逆語一鬼言此人不可復得但呼南無佛歸命佛我惡聞是聲令我頭痛於是二鬼便相持走去不復近之從是已後長得安隱

出諸經
中要事

執持求還佛戒口中諸鬼出打其身第十

昔迦羅柰國有婆羅門子名曰執持受佛禁
戒無所違犯執持父後到他國中見人殺盜

卷七

十二

姪便貪愛之見人好惡便論道之見飲酒者

便欲追之無一時定便自念言悔受戒誓當
以還佛即詣佛所言前受五戒多所禁制不
得從意佛法尊重非我凡類所能恭事罷可
得不佛默然不應言已未絕口中便有自然
鬼神持鐵椎拍執持頭復有鬼神脫其衣裳

鉤其舌者有姪女鬼刀割其陰有鬼洋洋銅澆
其口前後左右皆諸鬼競來分裂取其血肉
而啖食之又有自然之火焚燒其身求生不
得求死不得諸鬼急持不令得動佛見問曰
汝今云何執持口噤不能復言但手自搏佛
以威神救度長者諸鬼神王見佛世尊各立
一面於是得蘇便起叩頭前白佛言我身有
五賊擎我入三惡道坐欲作罪違負所受願
佛愍我從今改往修來奉受戒法持月六齋
歲三長齋燒香散華懸雜幡蓋供事三寶不

敢復犯佛言汝今所言是爲大善汝若眼見

自作自得非天授與

出大灌頂經中第三卷

不信罪福夢鬼取之令其受戒後壽百年第

十一

昔人不信罪福年已五十夢見殺鬼欲來取

將七

十三

之眠覺惶怖求師占夢師作卦兆云有殺鬼

必欲相害不過十日若欲禳此從今已去十

日中間受佛五戒燒香燃燈懸繒旛蓋信向

三寶可免此死即依此法專心信向殺鬼到

門見作功德不能得害鬼即走去其人緣斯

壽滿百歲死得生天

出雜譬喻經

家有六人割口施僧同受富樂第十二

昔有大富家食口六人奴婢金銀珍寶不可稱數佛與阿難街里分衛佛到其門父母兒

子妻婦孫息踊躍歡喜請佛入座以氍毹布

地食器皆以金銀佛言此人前生值飢餓世

家中窮乏唯採諸菜用自繫命作羹適熟外

有道人分衛出見沙門父母便言我分與之

兒子孫息各自己分與之讓母令食六人一

時發意各一日不食唯恨家貧無好供養緣

此之福得生天上人中常得安隱豐饒財物
以其發意同等之故世世共作因緣今重相
值父母兒子大小一時皆持五戒命終生天
受福無量今若值佛皆得羅漢

出雜譬喻經下卷

有人路行遇見三變身行精進第十三

有人在道上行見道邊有一死人鬼神以杖
鞭之行人言此人已死何故鞭之鬼神言是
我先身生在之日不孝父母事君不忠不奉
敬三寶不隨師父之教今令我墮罪而行苦
痛難言瞋故鞭之稍稍前行復見一死人天

人來下散華於死屍上以手摩挲之行人問
言觀君似是天人何故摩挲是死人耶答云
是我故身生在之日孝從父母忠信事君奉
事三尊承受師父之教令我神得生天皆是
故身之恩是故以來報之耳小復前行又見

持七十四

一天人衣服鮮好端正香潔道邊摘酸棗噉
之行人問曰觀君似是天人何噉酸棗天人
答曰我在世時孝從父母忠信事君奉事三
尊種種作諸功德唯不喜飯飼人客今作天
人恒食不充是以食酸棗耳行人一日見此

三變便還奉持五戒修行十善孝從父母忠
信事君示語後世罪福追人

出諸經中要事

有人命終十日還生述所經見第十四

有優婆塞本事外道獻苦禱祠委捨入佛法
奉戒精進勤誦經好布施迄意忍辱常有慈
心暴疾命過臨當死時囑父母言我病若不
諱七日莫殯奄忽如死停屍八日親屬皆言
急當頌殮父母言不勝臭欲留至十日當此
語時便見眼闢未能動搖父母歡喜守至十
日便自起坐善能語言間所從來盡何所見

答言有吏兵來將到一大城城中有獄獄正
黑四面鐵城城門悉燒鐵正赤獄中繫人身
坐火中上下炯燒青煙上出或有人以刀割
其肉而噉食之獄王問我言汝何等人犯坐
何等乃來到此此中治五逆不孝父母不忠

持七

十五

信事君答言我少爲惡人所惑奉事外道愚
癡又飲酒殺生祀天地又於市里採取財利
升斗尺寸欲以自饒後與善師相值牽我入
佛道見沙門道人授我五戒奉行十善自爾
以來至于今日不復犯惡仰由明王哀我不

及我便叩頭王即起叉手謂我言止止清信
之人不應當爾便與我坐呼吏問之此乃無
上正真弟子汝輩皆當從是人得度以其人
壽命自盡時乃當死耳魂神追行若生天上
天神迎之若生人中人中迎之何得將此人
來入是五逆之處吏答王言世間多有是種
人不畏王法不畏四時五行不拘天地鬼神
橫行天下不可不問也有師名沙門既剃頭
髮被服踈陋以是自大多將弟子東西南北
復大劇是應當治之王言止止法服之人無

所貴敬他所畏難諸釋梵日月中王下及帝
王臣民尊奉是人得福無量輕慢是者自求
罪苦急案名錄壽應盡未吏言未應死也尚
有餘算二十以其先有所犯罪是以取之使
其黨輩小小自下耳王言佛子有戒精進天
神所貴佛以大慈救護一切蜎飛蠕動天神
地祇諸鬼龍等皆敬貴之豈拘王相四時五
行耶佛恩如四海不得限量吏言大王奉佛
戒耶王曰坐我不奉佛故追罪作此獄王若
人已入正法後悔還爲外道雖壽千歲當逢

九橫若持戒比丘及諸弟子當勤行六度六衰斷絕二十事亦在觀文觀佛功德猶若巨海不可量也吏言誠如王言不別真僞速發遣之辭謝使去從高墮下燭然而蘇與其父母共至祇洹自唯自剋奉受五戒修行十善出弟子死

十善

復生
經

音釋

娠失人切 錄語綺切三足鼎 僑渠嬌切居也 𩶓子孕切無底
曰覲廬 鐵疑到切鑿餅鑿也齧必郢切齧也 齷飛其俱能
音彥毛席也斂力未布洞音熟 烫開鑿切貌 燭闢鑿切能